



2024-KO « EUROESKUALDEKO HIRITARTASUNA » PROIEKTU DEIALDIA *BALDINTZEN AGIRIA*

01	XEDEA.....	2
02	LURRALDE HAUTAGARRIAK.....	3
03	ARLOAK.....	4
04	ERAKUNDE ONURADUNAK.....	4
05	ZENBATEKOA ETA FINANTZAKETA.....	5
06	AURKEZPENA ETA EGUTEGIA.....	7
	A · DEIALDIAREN EGUTEGIA.....	7
	B · HAUTAGAITZA ETA DOKUMENTAZIOA.....	7
	C · PROIEKTUAK GAUZATZEKO EGUTEGIA.....	8
07	EBALUAZIO-PROZEDURA.....	8
08	HAUTAKETA-IRIZPIDEAK.....	8
	A · LEHENENGO FASEA.....	8
	B · BIGARREN FASEA.....	8
09	DIRULAGUNTZAK EMATEA ETA JUSTIFIKAZIO AGIRIAK.....	9
	A · DIRULAGUNTZAK EMATEA.....	9
	B · JUSTIFIKAZIO TEKNIKO ETA FINANTZARIOA.....	9
10	KOMUNIKAZIOA.....	10
11	INFORMAZIOA ETA KONTAKTUA.....	10



Akitania Berria Euskadi Nafarroa LLET Euroeskualdea 2011ko abenduaren 12an sortu zen Lurralde Lankidetzarako Europako Talde bat da, helburutzat Euroeskualdeko eta mugaz gaindiko lurraldearen garapen ekonomikoa, soziala eta kulturala sustatzea duena, aldi berean, lurraldearen barruko trukeak bultzatuz.

Euroeskualdeko proiektuen deialdiek Akitania Berria Eskualdean, Euskal Autonomia Erkidegoan eta Nafarroako Foru Erkidegoan dauden bazkideen arteko lankidetzak-ekintzak sustatzeko finantzazio-laguntza ematen dute.

01 | XEDEA

Dokumentu honen helburua 2024ko "Euroeskualdeko Hiritartasuna" proiektuen deialdiarako baldintzak definitzea da.

Akitania Berria Euskadi Nafarroa Euroeskualdeak kultur, kirol, hezkuntza, gazteria, eleaniztasun eta inklusio alorretako proiektuak eta eragileak babesten ditu Euroeskualdeko Hiritartasunari zuzendutako proiektuen mugaz gaindiko deialdiaren bidez. Deialdi hau "lankidetzak hobea izateko, elkar hobeto ezagutzeko" esaldian oinarrituta dago.


Hiru lurraldeen arteko lankidetzaren eragileei laguntzeko prozedura honek **500.000 euroko** aurrekontua du. Deialdi honen zuzkidura osoa LLETek 2024. urterako duen aurrekontuan sartuta dago.

Proiektuen deialdiak, hiru aldeko izaera duten ekimenak bultzatu nahi ditu hasieratik, horretarako, proiektuek **LLETko kide den lurralde bakoitzeko bazkide bat** izan beharko dute, gutxienez.



02 | LURRALDE HAUTAGARRIAK

Euroeskualdeko hiru lurraldeetako bazkideek parte hartu behar dute (Akitania Berria, Euskadi eta Nafarroa).



Perimetro hautagarritik kanpo dauden erakunde bazkideei dagokienez, kide elkartuak izango dira, baina ezingo dute dirulaguntzarik jaso.



03 | ARLOAK

Deialdi honetako gaiak Euroeskualdearen 2021-2027 Plan Estrategikoan zehazten den lehen lan-ardatzari dagozkio, "Euroeskualdeko herritartasuna" (https://www.euroregionnaen.eu/wp-content/uploads/2019/12/PS_EUSK_site_.pdf) eta honakoak dira:

- Kultura
- Eleaniztasuna
- Hezkuntza
- Gazteria
- Kirola
- Gizarte-erronka garaikideak

Eragileen **elkar ezagutza** hobetzea, **hizkuntzen ikaskuntza** sustatzea, **kultura zabaltzea** eta **Euroeskualdeko gazteen inplikazioa** dira ekitaldi honetan ere Akitania Berria Euskadi Nafarroa LLETek, proiektuen deialdi honen bidez landu nahi dituen erronkak.

Deialdi hau Europako lehentasunekin bat datozen zeharkako elementu batzuetan oinarritzen da: berdintasuna, garapen jasangarria eta digitalizazioa.

Euroeskualdeak ez ditu finantzatuko:

- Federazioko kirol-lehiaketak (zirkuitu ofizialak).
- Helburu turistikoak soilik dituzten jarduerak.
- Pertsona fisiko batek egindako proiektuak.

Aurreko deialdietan programatutako eragiketen jarraipena proposatzen duten proiektuek elementu berriak izan beharko dituzte gutxienez eremu hauetako batean:

- Lankidetzeta.
- Proiektuaren helburuak eta aurreikusitako emaitzak.
- Hunkitutako lurraldea

Jarraipen-proiektuek, helburu nagusia aldatu gabe mantentzen badute, ezin izango dute dirulaguntzarik jaso, proiektuen deialdiaren hiru ediziotan hautatuak izan ondoren.

04 | ERAKUNDE ONURADUNAK

Proiektuen deialdiaren helburua hiru lurraldeak batzen dituzten ekimenak babestea da, haien sorreratik amaitzen diren arte, eta **LLETeko kide diren lurralde bakoitzeko erakunde bazkide bat izan beharko dute gutxienez.**

Proiektuen deialdian parte har dezaketen erakunde onuradunak nortasun juridikoa duten entitate edo erakundeak dira, publikoak zein pribatuak (enpresa pribatuak, erakunde publikoak eta irabazi-asmorik gabeko erakundeak), bai eta pertsona autonomoak edota mikroenpresak



ere, guztiak Akitania Berriko Eskualdean, Euskal Autonomia Erkidegoan eta Nafarroako Foru Erkidegoan kokatuak. Taldeburua ezin da autonomia edo mikroenpresa izan.

Onuradunek Akitania Berriko Eskualdean, Euskal Autonomia Erkidegoan edo Nafarroako Foru Erkidegoan izan behar dute egoitza edo egoitza soziala. Bestela esanda, onuradunek lurralde jakin batean izan behar dute egoitza, eta helbideratze hori dagokion IFK edo SIRET zenbakiaren bidez egiaztatu behar da.

05 | ZENBATEKOA ETA FINANTZAKETA


Proiektuen deialdi honen zuzkidura 500.000 eurokoa da guztira.

Akitania Berria Euskadi Nafarroa Euroeskualdeak deialdiaren esparruan emandako dirulaguntzen gehieneko zenbatekoa proiektuaren kostu osoaren % 50ekoa izan daiteke, eta **30.000 euroko gehieneko diru-laguntza eskainiko du aurkeztutako proiektu bakoitzeko.**

Proiektuak gutxienez bere kostu osoaren % 20ko autofinantzaketa izan beharko du. Sarrerak (ikuskizunetarako sarrerak, adibidez) kontribuzio hori egiteko erabil daitezke.

Proiektu batek deialdi honetako dirulaguntzaz gain, Akitania Berriko Eskualde Kontseiluaren, Eusko Jaurlaritzaren edo Nafarroako Foru Gobernuaren dirulaguntza, edota hirurena jaso ahal izango du, ohiko laguntza-baliabideen bidez, eta baldin eta honako baldintza hauek betetzen baditu:

- Laguntza horien baturak ezin du proiektuaren guztizko kostuaren % **80** gainditu.
- Proiektuaren izaerak, helburuek eta finantzaketak laguntzen metaketa justifikatu behar dute



- Bestelako finantzaketa iturriak (dirulaguntza puliko eta pribatuak)
- Autofinantzaketa (diru-sarrerak, sarrerak, etab.)
- Gehieneko dirulaguntza

Honakoak izango dira gastu hautagarriak:

- Langileen gastuak.
- Bidaia, ostatu eta mantenu-gastuak.
- Kanpoko zerbitzuen gastuak.
- Inbertsioa eta ekipamendua, 500 €-tik beherakoa

Honako gastu hauek ez dira hautagarriak izango:

- Proiektua prestatzeko gastuak.
- Gastu orokorrak, bulego-gastuak eta administrazio-gastuak.
- Proiektuko bazkideek beren artean jaulkitako fakturretan oinarritutako gastuak.
- Proiektua hautatu aurretik egindako gastuak.
- Zeharkako zergak (BEZ), berreskuratu edo konpentsatu daitezkeenean.
- 500 eurotik gorako inbertsioak eta ekipamenduak
- Banku-gastuak

BEZari lotuta ez dauden egituren kasuan, ekarpena kostu osoari buruzkoa izango da, BEZa barne. Onuradunak agiri bat aurkeztu beharko du BEZa ez dela berreskuratu justifikatzeko.

Diru-laguntza minimis erregelamenduari lotuta dago (Batzordearen 2020/972 (EB) Erregelamendua, 2020ko uztailaren 2koa). Erakunde onuradunek deialdiari erantsitako erantzukizunpeko adierazpena bete beharko dute.



06 | AURKEZPENA ETA EGUTEGIA

A · DEIALDIAREN EGUTEGIA

Proiektuen deialdi honen egutegia honako hau da:

- Euroeskualdearen web orrian (www.euroregion-naen.eu) zabalik dago eskaerak egiteko epea 2024ko martxoaren 7tik apirilaren 30era, 12:00ak arte. Ez dira onartuko 2024ko apirilaren 30era 12:00etatik aurrera aurkeztutako hautagaitzak.

Ebazpena deialdia aurkezteko epea itxi eta 3 hilabeteko epean jakinaraziko da. **Osatu gabeko espediente orok 7 eguneko epea izango du, jakinarazpen-datatik zenbatzen hasita, osatzeko.** Epe hori eskatutako dokumentazioa aurkeztu gabe igarotzen bada, espedientea automatikoki baztertuko da. **Ezingo da zuzendu konpromiso-ekitaldian eta finantzaketa-planean sinadurarik ez egotea.**

B · HAUTAGAITZA ETA DOKUMENTAZIOA

Proiektuak Euroeskualdearen webgunean (www.euroregion-naen.eu) aurkeztu behar dira, formatu telematikoan, eskabide elektronikoa bete eta honako dokumentu hauek aurkeztuz:

- **Proiektuaren fitxa**, Euroeskualdeko hiru lan-hizkuntzetan (euskaraz, gaztelaniaz eta frantsesez).
- Bazkideek sinatutako **konpromiso-adierazpena** (sinadura elektronikoa edo eskaneatua).
- **Erantzukizunpeko adierazpena**: eskatzaileak ziurtatu beharko du, "Minimis" ari buruzko xedapenak betez, azken hiru ekitaldietarako, jasotako edo jasotzeke dauden diru-laguntza publikoak zehazten dituela, bai eta BEZa ez berreskuratzeko adierazpen bat ere, hala badagokio.
- Bazkideek sinatutako **finantzaketa-plana** (sinadura elektronikoa edo eskaneatua).

Erregistro-prozesua amaitzean, hartze-agiri bat bidaliko da, mezu elektronikoa gisa. Ez da paperezko espedienterik onartuko.

Dokumentuak jatorrizko formatuan gorde behar dira, eta Euroeskualdeko langileen eskura jarri, hala eskatzen badute.

Proiektua hautatuz gero, hitzarmena sinatzen den egunean, bazkideek agiri osagarriak aurkeztu beharko dituzte:

- IFK edo SIRET
- RIB edo banku-kontuaren ziurtagiria, SEPA formatuan (IBAN, BIC), banku-agintaritzak sinatua.



C · PROIEKTUAK GAUZATZEKO EGUTEGIA

Proiektuak **ezin du 12 hilabete baino gehiago iraun**, hautaketa jakinarazten den egunetik aurrera.

Hautaketa egin aurretik amaitutako proiektuak ez dira kontuan hartuko.

Proiektuak hautaketa-data baino lehen hasita egon ahal izango dira, baina data horren ondorengo gastuak bakarrik izango dira hautagarriak.

07 | EBALUAZIO-PROZEDURA

Proiektuen deialdira aurkeztutako espedienteak hainbat fasetan ebaluatzen dira:

1. Proiektuak eta bazkideak onartzeko irizpideak egiaztatzeko fasea.
2. Ebaluazioa bi fasetan egingo da:
 - a. Proiektuaren euroeskualde-dimentsioa irizpidea ebaluatzeko lehen fasea. 20/40 nota gainditzen ez duten proiektuak ez dira bigarren fasera pasako.
 - b. Euroeskualdeko hiru gobernuetako talde teknikoek ebaluazio sektoriala egiteko bigarren fasea.
3. Euroeskualdeko Batzorde Betearazlearen hautaketa.

08 | HAUTAKETA-IRIZPIDEAK

Ebaluazioa **100 punturen** gainean egingo da, bi fasetan banatuta.

A · LEHENENGO FASEA

Lehenengo hautaketa-faserako irizpide hau erabiliko da:

Proiektuak Euroeskualdean duen dimentsioa	40 puntu
---	-----------------

B · BIGARREN FASEA

Bigarren hautaketa-faserako irizpide hauek erabiliko dira:

Lankidetzaren garrantzia	10 puntu
Proiektuaren garrantzi tematikoa, proiektuaren helburuen garrantzia	10 puntu



Proiektuaren ekintza-planaren garrantzia: ekintzen bideragarritasuna, egikaritze-egutegia eta aurrekontua	30 puntu
Euroeskualdeko espazioan zabaltzea eta komunikatzea	10 puntu

09 | DIRULAGUNTZAK EMATEA ETA JUSTIFIKAZIO AGIRIAK

A · DIRULAGUNTZAK EMATEA

Emandako diru-laguntzak Akitania Berria Euskadi Nafarroa Euroeskualdearen proiektuen deialdiaren esparruan esleitutakoak izango dira. Laguntza hauek LLETen Batzordeak onartu eta laguntza emateko hitzarmenean jasotako finantzaketa-plan globalaren arabera banatzen dira bazkideen artean.

Euroeskualdeko Batzorde Betearazleak proiektuei emango zaien diru-laguntza doitzeko eskumena izango du, proiektuen deialdiaren aurrekontu osoarekin bat etor daitezen, betiere proiektuan bideragarritasuna eta gauzatzea bermatuz, eta eskatutako diru-laguntza gehienez % 15 murrizteko mugarekin.

Diru-laguntzak honela ordainduko zaizkie taldeburuei (Konpromiso Ekitaldian definitutakoaren arabera):

- LLETaren eta taldeburuaren arteko hitzarmena sinatzean, dirulaguntzaren % 40a
- Laguntzaren % 60 proiektuaren amaieran
- Diruz lagundutako proiektua osorik gauzatzen ez bada, emandako diru-laguntzaren ordainketa benetan gauzatutakoaren eta justifikatutakoaren arabera murriztuko da.

Taldeburuak konpromisoa hartzen du diru-laguntzaren zatia bere bazkideei transferitzeko, eskaera aurkezteko unean ezarritako banaketaren arabera.

B · JUSTIFIKAZIO TEKNIKO ETA FINANTZARIOA

Emandako diru-laguntzen onuradunek hitzarmenean agertzen diren egiaztagiri guztiak aurkeztu beharko dituzte:

- LLETek emandako ereduaren arabeko txosten teknikoa, proiektuaren amaieran.
- LLETek emandako ereduaren arabeko finantza-txostena, proiektuaren amaieran.
- LLETek emandako kapitalizazio-inprimakia, proiektuaren amaieran.

Dokumentu guztiak LLETek eskainitako plataforman sartu behar dira, formatu elektronikoan.

Onuradunek, halaber, konpromisoa hartzen dute hiru hilean behin proiektuaren aurrerapenen berri emateko.



10 | KOMUNIKAZIOA

Proiektuak bertan parte hartzen duten bazkideen publizitate eta komunikazio-betebeharra errespetatu behar du. Taldeburuak eta bazkideek **nahitaez** gehitu behar dituzte Akitania Berria Euskadi Nafarroa Euroeskualdea LLETen logotipoak, eta erakundearen baterako finantzaketaren aipamena egin beharko dute proiektuarekin zuzenean lotutako edozein dokumentutan (gonbidapen-txartela, gutuna, kartela, web orria, liburuxka, etab.).

Betebehar hori proiektuari buruzko informazio eta komunikazio-dokumentu guztiei aplikatzen zaie, baita proiektua jendaurrean sustatzeko, abiarazteko edo egikaritzeko antolatutako edozein ekitaldiri ere: prentsaurrekoa, mintegia, ikuskizuna, ekitaldia, emanaldia, hitzaldia, etab. Akitania Berria Euskadi Nafarroa LLETen logotipoak taldeburuaren eta bazkideen webgunean egon behar du, hala badagokio.

Proiektuaren esparruan antolatutako edozein ekitaldi lotu beharko da Akitania Berria Euskadi Nafarroa Euroeskualdearekin. Erakundeari ekitaldi bakoitzaren berri eman behar zaio, idatzizko gonbidapen baten bidez, arrazoizko epean.

Proiektuaren amaieran, proiektuen deialdia kapitalizatzeko ekitaldi edota ekimenetan parte hartzeko eskatu ahal izango zaie taldeburuari eta bere bazkideei.

Deialdi honetara aurkezten diren proiektuek klausula hau onartzen dute.

11 | INFORMAZIOA ETA KONTAKTUA

Euroeskualdearen webgunean kontsulta daitezke proiektuen deialdiko dokumentu ofizialak eta hautagaitza prestatzeko beharrezko elementu garrantzitsuak, www.euroregion-naen.eu:

- Euroeskualdearen plan estrategikoa.
- Proiektuen arduradunentzako gida.
- Hautagaitza osatzeko beharrezko inprimakiak, dokumentuak, gidak eta ereduak.

Euroeskualdeak ezin du bermatu beste webgune batzuetatik deskargatutako dokumentuen baliozkotasuna.

Proiektuen deialdiaren arduradunarekin harremanetan jartzeko idatzi helbide honetara:
marie.heguy-urain@euroregion-naen.eu